

ներ: Բնքան թխվում է այժմ իբրև սոսկ սրբաուզելի, իբրև դուրեկան, ախորժեղի թխվածք:

Բնքան թխում են հէսավ՝ խորիզով: Խմորի համար ալյուրի հետ խառնում են ձու, կաթ, անպատճառ խաշ ու մի քիչ յուղ: Խորիզը՝ հէսք պատրաստում են ալյուրից շաքարով կամ այլ քաղցր բանով և կարագով կամ յուղով: Հէսք դնում են խմոր պատահնէրի մեջ և այսպես պատանված հում Բնքայի երեսին դրոշմում են Բնքանախշելիավ, փայտե կամ թրծած կավե մեծ կնիքով, և երեսին, վրայից քէփուրավ՝ փետուրով քսում էին ձվի դեղնուց: Այս կնիքների նախշերը Զանգեզուրում պարսկական ոճի ազդեցութունն են կրում և դանազանվում են կոտում և այլ գավառներում գործածվածներից:

Թազա հարսին տուն բերելուց հետո, երբ բարեկամները խօնչանէր էին նվեր ուղարկում, մրգերի հետ մեջտեղը լնւ՝ լույս վառած մոմի շուրջը պիտի շարված լինեին քիշի կոշվող փոքրիկ Բնքանէր:

Ծիսական հաց էր նաև կրկէնին, որը թխվում էր հուննվարի 4-ին, ծննդյան օրվա նախօրյակին, արևի մայր մտնելուց հետո: Սրա համար խմորը հունցում էին ձեթով, մեծ մասամբ ճղօպուրի խէղէփը՝ ընկուզի փափուկ միջուկը խմորի հետ խառնած: Խմորի մեջ դնում էին հոնի կօրինց՝ հոնի կորիզ, կլորում, յէտ ըն տամ և օջախի վրա մոխրի մեջ յէփում, վրայից էլ մոխրով ծածկում—վաղեմի դարերում գործադրված եղանակով: Այս հաստ ու մեծ հացը այսպես թխելուց հետո երկու երեսն էլ մի շորով մոխրից մաքրում էին և կտրտելով մասերի, բաժանում էին տան անդամների և նույնիսկ անասունների մեջ⁸:

Բացի այս հանդիսավոր առիթներով թխվող հացերից, թխվում էին առօրյա սպառման համար կանաչեղենով, մեծ մասամբ վայրի բույսերով, խորիզով հացեր, շէշավ, ժանգավավ⁹ և այլն, որոնք փոխարինում են ուսական կարկանդակներին¹⁰:

Հացը թխելու աշխատանքներին օգնության էին հրավիրվում հարեան, մեծ մասամբ ազգական, կանաչք փոխադարձաբար օգնելու լուեյաչն պարտավորությամբ կամ գյուղի շքավոր կանաչք, որոնք դրա համար վարձատրվում էին թխած հացով:

Առաջին թխած հացը չէին ուտում առաջ քան յոթ հաց քօօնից հանելը, եթե ոչ տանտիրոջ առաջին կինը կմեռներ և նա այնուհետև մի քանի կին կփոխեր: Այսպիսով, առաջին կնոջ կյանքի ընդհատվելը կապվում էր առաջին հացի ոչնչացման հետ: Հացը գետնին վայր ձգելը մեղք էր, երևի կրկին այն էնթադրությամբ, որ գետնի երեսին վխտում են շար ոգիները և հացը նրանց քաժին կարող է դառնալ: Հացը չէր կարելի գլխին դնել՝ անբերրիութուն կառաջանա: Աստծուն հաճելի չէ, որ հացը դանակով կտրվի—թանկութուն կընկնի, սով կընկնի¹¹: Այս եզրակացութունը բխում է այն մտածողութունից, թե դանակով կտրելը կարող է հացի առատութունն էլ կտրել, կամ խնայողության և ժլատության նշան է, որով կարող է առաջ գալ նաև բերքի ժլատ ստացումը:

Հացով երզվում էին, այն ենթադրությամբ, որ դրժողը կզրկվեր նաև ապագայում հացից՝ սննդի գլխավոր նյութից:

⁸ Տե՛ս «Տոներ» գլուխը:

⁹ Щавель.

¹⁰ Пирогн.

¹¹ СМОМПК, вып. XIII, отд. I, էջ 111 և հետև., вып. XVII, отд. II, էջ 200, вып. XXXIV, отд. IV, էջ 98: